

節，亦屬實情，特檢同各表，一併送請察核轉發爲荷等由；查此種表格，爲調查學生生活費用，及研究教職員俸給問題，足供學術上之研究，兼資實用，關係亦爲重要，自可照辦，爲此將表格一紙送上，即請察收，務希於一星期內填妥交回商學院辦公室，以資統計而助進行，毋任盼切，順頌文祉。

校長鍾榮光

中華民國十九年十一月二十九日

### 「七」致注音符號傳習所白教員序之應保留

#### 入聲符號函

逕啓者：現奉

廣東教育廳第二七〇一號訓令，略開：查國音應以北平音爲標準，按照標準音讀法，自無入聲，惟注音符號，除注國音外，可並註方音。查各省方音多有入聲，故入聲聲調符號，仍應保留，以便應用等因；爲此函達台端，即煩知照爲荷。此致白序之先生

校長鍾榮光

中華民國十九年十二月一日

### 「八」致文理學院及註冊處關於辦理大學畢業文憑及修業證書函

逕啓者：茲定以後發給大學生畢業文憑，及修業證書，概由註冊處辦理；至從前應發之證書，現尙未辦竣者，亦併由該處清理。爲此函達

貴院處即希查照辦理，並通告各學生知照爲荷。此致

文理學院院長勞

註冊處處長李

校長鍾榮光

中華民國十九年十二月三日

### 「九」校地校舍委員會關於豢養家禽通函

逕啓者：本校所頒發校規通則，內有載明：凡有豢養家禽，除白鴿外，不得任意放出；第日久玩生，各豢養家禽者，間或任其出外，殊實有礙。茲爲厲行校規起見，凡有豢養家禽者，請即關諸籠內，切勿令其外出；倘有任其出外者，無論何人均得將其捉獲，送交敝會處置，或直將其家禽擊斃，送還物主。此事例在必行，凡有豢養家禽者，祈爲留意。此致校內各住宅暨

列位先生